

公姓王諱夢鼎字兆吉常熟人崇禎十二年舉於鄉屢上春官不第  
既而南中故人呼為將伯之助遂起家都察院司務非其志也為人  
孝友平生修復祠宇刻家譜凡縣中興利除害事無巨細必賴公以  
成尤留意邑中文獻圖先賢像數冊以志景仰年七十九卒葬報慈  
里崇祀鄉賢

贊曰卓哉孝廉鄉里之望屈志微秩聲聞後揚

胡


楚

賢

像



國家圖書館 NATIONAL CENTRAL LIBRARY, TAIWAN, R.O.C.




公姓胡諱甲桂字秋卿崑山人數歲能文年十七受知於邑令樊玉  
衡巡按祁彪佳有吳中第一流之稱崇禎十二年副榜貢入太學試  
第一授南昌府通判潔己愛民時衛弁所在驕橫公示以威信嚴禁  
勒耗漕規蕭清攝南昌守時聞獻賊勢張甚官兵雲集公竭力籌劑  
省會獲安連署豐城新建瑞州所至皆有聲後陞廣信府同知時郡  
邑吏皆遁走公守而不去城破被執諭降不從幽別室自經死

國朝乾隆四十一年

賜諡節愍

贊曰道窮勢迫守志益堅朱絲畢命完節歸泉

國家圖書館 NATIONAL CENTRAL LIBRARY, TAIWAN, R.O.C.





吳郡名賢圖傳贊卷十五

像

炎

忠

洪


吳郡名賢圖傳贊卷十五

長洲顧


沅湘



國家圖書館, NATIONAL CENTRAL LIBRARY, TAIWAN, R.O.C.



037164 v.7



公姓沈諱雲祚字予凌太倉人崇禎十三年進士授華陽令十七年正月張獻忠破夔州成都大震公急見蜀王陳守禦策不納五月賊陷重慶燒劫數百里旋薄城下公偕僚屬慷慨誓死守巡撫龍文光急遣郫縣令趙嘉燁決涪江大堰注錦江以益濠水甫至城已被賊執公幽大慈寺饋以食公躍起大罵指其口曰我有口食賊肉耳豈食賊粟哉遂遇害


國朝乾隆四十一年

賜諡忠烈

贊曰巖巖蜀都賊肆屠戮縣令守城有死無辱


國家圖書館, NATIONAL CENTRAL LIBRARY, TAIWAN, R.O.C.

美 貞 文 像



公姓姜諱瑛字如須山東萊陽人崇禎十三年進士授行人兄琛下獄公盡力營護後聞邑里破父瀉里殉難公請代兄繫獄釋琛歸葬不許即日奔喪奉母南走蘇州官行人時見署中題名碑崔呈秀阮大鍼與魏大中並列上疏請去二人名後大鍼怨公兄弟必欲殺之琛避至徽州公變姓名避跡台宕間久之俱復來吳居虎邱築山塘小隱年四十先琛卒葬竺塢西北門人私謚貞文先生贊曰萊陽二姜弟實從兄友恭之誼百世同頌

像 廉 孝 祿



國家圖書館, NATIONAL CENTRAL LIBRARY, TAIWAN, ROC

Inches 1 2 3 4 5 6 7 8 9 10 11 12 13 14 15 16 17 18 19 20

Centimetres

TIFFEN Color Control Patches



© The Tiffen Company, 2007

Blue Cyan Green Yellow Red Magenta White 3/Color Black

公姓徐諱枋字昭法號侯齋長洲人忠節公沂長子崇禎十五年舉人忠節公殉難公拮据營葬遁跡不出初居鄧尉後隱靈巖築澗上草堂於上沙布衣草履終身不入城市家貧賣畫自給雖藜藿不繼而莫敢餽以一錢平日往來惟同志數人而已時以公與宣城沈壽民嘉興巢鳴盛為海內三遺民川湖總督蔡毓榮具書致幣謝不受睢陽湯公斌撫吳嘗屏騶從兩詣山中訪之不得見所著居易堂集二十卷又有二十一史文彙通鑑記事類聚讀史釋語讀史雜鈔建元同文錄康熙甲戌年七十三卒貧不能葬山陰戴高士易賣字積費葬于青芝山真如塢

贊曰澗上有堂斯人避世移孝作忠不忘父志

陳 皮 道 像



公姓陳諱瑚字言夏太倉人居雙鳳鎮温如先生朝典子少承家學  
 通五經凡天官河渠兵農禮樂以及六壬奇門諸書無不貫串與陸  
 世儀江士韶盛敬相切劘世所稱四先生崇禎十五年領鄉薦明年  
 江南大饑上當事救荒四政支吾三策明公奉父避居崑山蔚村躬  
 耕以養村田沮如導鄉人築岸禦水歲獲豐穰又與陳說孝弟之義  
 及為善三約遠近向風遊其門者多俊偉之士


國朝詔舉隱逸知州白登明將以名上督撫力辭乃已卒年六十三  
 門人私謚曰安道先生巡撫湯公斌卽其故居為立安道書院  
 贊曰蔚村逸民奉父隱居三約諄誨式化鄉閭

温

如

言

夏





公姓劉諱曙字公旦長洲人崇禎十六年進士授南昌令未赴南都  
失守歸隱蠡口未嘗一至城市丁亥上海諸生欽浩通款舟山疏吳  
中忠義士二十三人公為首公寔不識欽也其書為游騎所獲就逮  
械送金陵九月十九日赴市連呼高皇帝而死葬鴨脚浜公故居在  
通關坊中有千柱堂今改為城守參將署

國朝乾隆四十一年

賜諡節愍

贊曰結廬蠡口城市跡稀一朝被禍視死如歸

頌


忠

節

像



國家圖書館, NATIONAL CENTRAL LIBRARY, TAIWAN, R.O.C.



公姓顧諱咸建字漢石崑山人崇禎十六年進士授錢塘令甫之官  
聞京師陷人情洶洶巡按御史彭遇颯以貪殘激變賴公調護乃得  
無恙及南都失守鎮江守將鄭彩等率眾還閩緣道劫掠公出私財  
迎犒乃歛跡去無何馬士英及大將方國安相率擁兵至公謀于上  
官先遣使賂之乃不入城民得免擾時監司及郡縣長吏悉遁竄公  
散遣妻子獨守官不去潞王既降尋被執死之懸首杭城蠅蚋不集  
人敬異之

國朝乾隆四十一年

賜諡忠節


贊曰錢唐賢宰忠貞殉節懸首城樓一蠅不集

顧 諶 廉 像



吳郡名賢圖傳卷十五

七



公姓顧諱咸受字幼疏胞兄咸正咸建皆死國難公中天啓四年舉  
人乙酉城破死於兵

國朝乾隆四十一年奉

旨入忠義祠

贊曰兄弟三傑君居其幼先後殉國同垂不朽

吳


節

忠

像



國家圖書館, NATIONAL CENTRAL LIBRARY, TAIWAN, R.O.C.



公姓吳諱易字日生尙書山曾孫崇禎十六年進士未就選歸與同  
 邑趙渙史元等試劍談兵慨然以經濟自任甲申三月聞京師陷公  
 憤甚大書其門曰復讐討賊春秋義報國忘家日月心閣部史可法  
 薦授兵部職方司主事叅軍淮上奉檄催餉歸里遂與孫兆奎等教  
 習水師爲進援計唐王聞之授兵部右侍郎總督江南諸軍事進兵  
 部尙書魯王亦授公兵部侍郎封長興伯丙戌公至嘉善  
 大兵猝至公被執至杭州總督張存仁欲降之不屈戮於杭之草橋  
 門臨刑再拜曰今日臣之事畢矣時年三十五葬柳胥邨公無子妾  
 阿香同被執以死自守皆敬禮之歸棲公墓旁以終  
 國朝乾隆四十一年  
 賜諡節愍  
 贊曰南都職方見危授命草橋門外一身甘殉

趙

大

令


像



吳郡各賢圖傳

卷十五

九



公姓趙諱庚字渙之吳江人崇禎十六年進士知甌寧縣有惠政丙戌六月閩中初舉鄉試公為同考官遷行營禮部主事改文選司國變後居天台國清寺辛卯冬來吳江至穆溪遇風舟覆死贊曰偶現宰官一朝決舍塵視軒冕古之隱者

黃


忠

節

像



國家圖書館 NATIONAL CENTRAL LIBRARY, TAIWAN, R.O.C.



公姓黃諱淳耀號陶庵嘉定人年十七為諸生其制舉業穿穴百家上下千古試輒第一同里侯峒曾兄弟延至家讀書十年相與聖賢自命著自監錄知過錄後更為日歷畫之所為夜必書之崇禎十六年成進士布衣疏食不異諸生甲申京師陷福王立南都諸進士俱出文官公見時事日非不復出及南都亡嘉定亦破從者勸公出公曰我志已定偕弟淵耀入僧舍將自盡僧曰公未服官可不死公曰君臣之義豈以出處異耶乃索筆書曰淳耀進不能宣力王朝退不能潔身自隱讀書寡益學道無成耿耿不寐此心而已遂與弟相對而縊年四十二葬三十回圓劍字圩


國朝乾隆四十一年  
賜諡忠節祠在東城新街  
贊曰明鼎既遷危城不守孤忠殉國名垂不朽

黃

文

學

像



公姓黃諱淵耀字偉恭淳耀弟諸生幼學於兄悉得其緒論淳耀在京師與之書曰臚傳時人見鼎甲先上皆嘖嘖稱羨吾此時嘆息無限天地間自有數千年一人數百年一人今人必不肯為而必欲為三年之一人何也公亦素以品節自厲順治乙酉六月

大兵徇地至嘉定公從其兄率鄉兵守城七月初四日城破同盡節於城西僧舍就縊時見兒頭墮地公為拾而冠之然後自縊其臨難從容如此時年二十一耐葬三十四圖兄淳耀墓公兄弟死時口血噴壁間其迹久而不滅人以爲異


國朝乾隆四十一年奉  
旨入忠義祠  
贊曰死守孤城同兄殉節荒邱一區血流化碧

任

林

虞

像




公姓任諱光裕以字行吳江人生而膂力絕人好韜畧與吳琬善少  
游太學尙志節當明末造流寇肆掠亂民蟻附所至處城邑一空公  
遂應總督孫傳庭募隸麾下爲材官尋授忠靖校尉討闖賊于南陽  
屢立戰功斬獲無算後猝與賊遇奮殺數十賊援絕被害罵不絕口  
年三十一時崇禎十五年也

國朝乾隆四十一年奉

旨入忠義祠

贊曰血戰捐軀斧鉞不避忠義天生豈在名位

精 忠 熒 像






公姓蔣諱若來字龍江長洲人清流令育馨從子公形材短小獨骨  
 臂善騎射家貧流落巡撫張國維異其才拔自行伍以把總守江浦  
 流賊薄城蟻附而上公提刀截殺應手而斃方坐城樓下俄見賊金  
 冠紫袍者握大石直前擊中公而賊乘勢合圍而前公奮躍登城射  
 殪其酋復發大礮擊殺三千人以功擢遊擊累遷浙江總兵與朱大  
 典守金華城破令長子出已集妻子女於廳縱火焚之提刀巷戰  
 殺四十餘人自刎死年四十三公世居婁門外家有玉蘭堂堂前玉  
 蘭一樹五株株各斗大廣庭發蔭根可十圍鼎革時樹燬於火公子  
 是時闔門殉難

國朝乾隆四十一年

賜諡忠烈分祠在史家巷

贊曰宣威江浦盡命金華闔門殉節忠義可嘉

忠  
 烈  
 圖  
 像



公姓毛諱維張字國卿吳縣人性倜儻有大志劄入太學就選授長子丞署邑篆魏瑞矯旨遣使查弔府縣庫銀公預備一冊詣府見使者力言邑小糧輕徵解無餘瑞敗山西淮長子庫銀無缺崇禎壬午考最陞北京和陽衛經歷闖賊披猖上特拔大小文武官七十二員宴於五鳳樓前公以巡城功得與感恩誓死甲申三月公復巡西城守禦嚴謹賊從彰義門入被執逼降不屈賊加刑逼獻金曰汝蘇人親戚賈於京者不少曷不舉而贖且得高官公恐死不株一人酷刑兩晝夜罵不絕口脛折髓流扼吭而死

國朝乾隆四十一年奉

旨入忠義祠


贊曰政績所著長子和陽身抗賊司牧之良

周

觀

督

像



公姓周諱鏡吳縣人嘉定伯奎姪莊烈愍皇后從弟也崇禎間官都督甲申三月十九日闖賊李自成陷燕都公與其婦同縊闔門殉節贊曰卓爾都督椒房之戚國公與公闔門殉節

評


潛

忠

像



國家圖書館 NATIONAL CENTRAL LIBRARY, TAIWAN, R.O.C.



公姓許諱彥字玉仲長洲人幼時嘗割臂療父疾為諸生磊落不羈  
 甲中之變大慟誓欲舉義兵討賊走告里紳皆不應端午日過友人  
 出酒飲之公擲杯大詬曰今何日我輩讀聖賢書尚縱酒如平日耶  
 拂衣去既聚哭明倫堂公衰杖擗踊號泣盡哀及南都頒監國詔而  
 哀詔猶未頒公益憤慟趨古廟自經為人所解步至胥門投河潞王  
 舟過拯之詢故嗟嘆良久識公者掖以歸家人守之不得死遂絕粒  
 尋聞哀詔至即庭中稽首號慟并不復言以六月十三日卒葬虎邱  
 山塘橋南石牛頭列字圩私諡潛忠先生南中贈五經博士

國朝乾隆四十一年奉

旨入忠義祠

贊曰吳下諸生落落大志國亡與亡一身三死

顧


東

湖

像



國家圖書館 NATIONAL CENTRAL LIBRARY TAIWAN



公姓顧諱所受字性之長洲人幼穎異年十一補弟子員從管志道講學喜交游有盛名性嚴重以禮義自守學者稱東湖先生甲申之變聞許玉仲死哭曰吾不能與君同死愧君多矣為之傳及南京不守郡縣望風瓦解公嘆曰今日人心如此皆緣不學乃作捲堂文辭文廟五月二十八日赴泮水死葬半塘贊曰秉禮守義講學東湖投身泮水矢志不渝

文


節

忠

像



國家圖書館 NATIONAL CENTRAL LIBRARY, TAIWAN



公姓文諱震亨字啓美震孟弟家石馬涇高師巷內有香草垞卽馮氏廢園公能詩善畫由貢生官中書舍人國亡後寓陽城湖憂憤發病死或曰絕粒死


國朝乾隆四十一年

賜諡節愍

贊曰善畫工詩停雲賢嗣隱於陽城歿能遂志

國家圖書館 NATIONAL CENTRAL LIBRARY, TAIWAN, R.O.C.

殷 孝 終 像



公姓殷諱獻臣字汝劼號閻臣長洲人諸生少與周順昌朱陸宣同  
學友善旋與順昌訂姻好及周被逮士民攘臂呼冤幾成大獄公周  
旋艱險奮不顧身幾及於難作忠介年譜數千言國變後絕食死鄉  
人私謚孝終先生  
贊曰周朱同學望重五魁堅持節操友誼勿睽

楊

文

學


像



國家圖書館 NATIONAL CENTRAL LIBRARY, TAIWAN, R.O.C.

Inches 1 2 3 4 5 6 7 8 9 10 11 12 13 14 15 16 17 18 19 20

Centimetres




TIFFEN Color Control Patches © The Tiffen Company, 2007

徐文



公姓湯諱傳楹字卿謀吳縣人諸生性高潔才思敏捷詩奇與似長  
吉濃豔傲西崑古文辭亦縱橫爽邁年二十五值甲申國變悲憤卒  
妻丁氏哀慟越一宿而絕無子一女適崑山徐元文所著湘中草友  
人尤侗刻以傳世  
贊曰西崑之豔長吉之與一卷湘中獨抒懷抱

國家圖書館 NATIONAL CENTRAL LIBRARY, TAIWAN, R.O.C.





公姓徐諱澤字瞻淇常熟人少孤力學補諸生再試省闈不售意豁如也授徒餬口久之厭城市徙居東鄉夫耕婦鋤甲申三月聞帝后殉社稷卽不食誓死人曰尙可待也次年五月作告廟文願死先聖廟中七月城破忽忽如狂家人密伺之未得隙八月二十三日防者稍懈卽取髮自經大書云我以一死報先帝全士節我願足矣雖爲若敖之鬼奚憾焉公無子故云時年三十有九


國朝乾隆四十一年奉  
旨入忠義祠

贊曰苦心力學家無蓄積  
著分明判如黑白

忠 義 文 忠



國家圖書館 NATIONAL CENTRAL LIBRARY, TAIWAN



公姓毛諱爾張字澤卿長洲人維張弟諸生博學工文性恬淡不事  
 標榜甲申三月聞京師陷悲憤欲以身殉或謂子未食祿於朝可以  
 無死公曰食毛踐土誰非臣子而子顧出此語此真亂臣賊子之言  
 我不忍聞也其人慙去尋間自縊家人驚救不得死逸至九龍塢丙  
 舍中自刎妻申氏至亦縊死公旁一子早卒無後  
 贊曰致命遂志難兄難弟名重膠庠允矣君子

諱


爾

張

像



國家圖書館 NATIONAL CENTRAL LIBRARY, TAIWAN



公姓陶諱爰字圭稗崑山人邑諸生師事蔡懋德與朱集璜友善砥礪寔學公世居雞鳴塘去城二十餘里

大兵臨城公方率鄉勇三百餘人赴援未至聞城已破乃歎曰以發死矣夜自縊其子藁葬于祖墓側越數日集璜柩至以兵梗不得葬亦瘞于公之右時人為之語曰朱斷斷陶植植生同學死同穴

國朝乾隆四十一年奉

旨入忠義祠

贊曰雞鳴講學鄉里所欽朱斷陶植生死同心

朱


節

贊

像



國家圖書館 NATIONAL CENTRAL LIBRARY TAIWAN, R.O.C.



公姓朱諱集璜字以發崑山人家通閩橋東貢生學行為鄉里所推  
 教授弟子至數百人留心世務先是嘉定崇明二縣不轉漕崇禎中  
 以軍興乏餉令崑山太倉長洲吳縣代輸而二邑償其直崑山輸粟  
 萬二千餘石直不能盡償民大困公致書同郡紹紳白其事上官除  
 四州縣之累而二邑亦不轉漕邑有夏駕河雞鳴塘並承太湖吳淞  
 之淤海潮擁沙漸為平陸邑乃病水公相度形勢呈開濬法於邑令  
 楊永言親為庀財督役復水故道凡六月工竣民大利之後助王佐  
 才守城城潰書絕命詞投東禪寺後河死學者私謚節孝先生所著  
 有觀復堂集二十卷

國朝乾隆四十一年奉

旨入忠義祠


贊曰才優經濟世務洞明書成命絕潔比流清

陳

忠

節

像



公姓陳諱用極字明仲崑山人少以氣節自矜中年折節讀書為諸生南都建以保舉授工部司務加職方主事從侍郎左懋第奉使大清館太醫院諭降不從公及左公與遊擊王一斌都司張良佐劉統王廷佐皆死之門人山陽咸默與故人子同邑徐元敷潛收公屍焚之負骨歸

國朝乾隆四十一年

賜諡忠節

贊曰氣節自矜讀書明理見危避難引為己耻

頊


文

熒

像



國家圖書館 NATIONAL CENTRAL LIBRARY TAIWAN, R.O.C.



公姓項諱志寧號靖伯休寧籍萬常熟遂家焉少有神童之目年十  
六補諸生為人不苟言笑福王監國恩選入貢乙酉七月城破時公  
先匿身儒水聞友徐懌完髮自經死歎曰彼得死所矣遂從容絕粒  
死時九月二十二日也年三十四私諡文烈

國朝乾隆四十一年奉

旨入忠義祠

贊曰時事已非寸心不滅養士百年報君一日

顧


和

事

像



國家圖書館 NATIONAL CENTRAL LIBRARY, TAIPEAN, R.O.C.




公姓顧諱大任字永肩號价仔長洲人諸生入監授廣東按察司司  
 獄尋陞知事乞歸里居偕族人我肇認貞存愉爰武錫疇天巨世秩  
 恢復南濠祠石湖祖墓崇禎十四年饑疫傾囊施濟鄉里賴之以是  
 傾家居僅一椽青苔滿壁折鐺敗席吟咏自娛甲申之變終日號慟  
 踰年遂卒

贊曰東吳文學東粵循吏歸潔其身仁人志士

國家圖書館 NATIONAL CENTRAL LIBRARY, TAIWAN, R.O.C.

像

學



任 文 學 像



公姓文諱乘字應符震孟次子諸生南都叵隱山中有誣其與吳江  
吳易通者逮至官公不辨徐曰不辱我父願就死臨刑賦詩云闕閭  
名家舊姓文一身報國許誰聞忠魂今夜歸何處明月灘頭臥白雲  
妻周氏吏部順昌之女亦就死于其旁

國朝乾隆四十一年奉

旨入忠義祠

贊曰名父之子運遭屯變舊語受誣就死不辨

國家圖書館 NATIONAL CENTRAL LIBRARY, TAIWAN, R.O.C.

